

Lucio Cossu

NARABILU, NUGÒRO

*2° premio ex-aequo (Logudorese)*

Chent'annos sunu pagos, sorre cara  
pro frimmare un'istante in cussas baddes  
su sole 'e sa Barbagia, ue ses Signora.  
Ma oe pius cara nos torras in sas laras  
de Chie, sola e appartada, isfilazzende  
sas maglias de su fresi taruladu  
e abbiende sas carres maltoriadas  
dae sos malos appentos de sa sorte,  
t'hat tessidu e tramadu sos turmentos  
de sas piaes dae nàschida imprimidas.

Truncos mugiados, àvures dirruttas  
che cannas irrasciadas dae su entu,  
fûni tando sos neos de s'alminonzu  
de unu tempus filonzanu e istruidore,  
sunu ancora sas tramas de s'arazzu  
chi, cun lanas filadas ater'ue,  
ti tessi' cuss'ispola seculare.  
E tue, Nugòro, nadìa 'e sos balentes,  
pedidores de paghe a cussas roccas  
e de grascia a sos chelos istantios;

mama disaurada de sàltios e cuiles  
arzolados dae triuttos suberanos;  
terra de milli rios in abbolottu  
prignos de fele e rànzigos licores;  
càntaru gloriosu de sàmbenes  
e suores ispartos in tott'ue;  
àrdia de milli prammas de vittorias  
de sas boghes e pinnas sas pius altas,

Tue, Nugòro,  
oe fiera e balente pius de prima  
cuntrestas a sos seculos s'ammentu  
de s'alenu pius mannu 'e sa Barbagia,  
respiru e bantu 'e sa Sardigna intrea.

Gai prigna 'e tantu pesu, e trionfale  
avreschende in pius limpidos benales,  
cuidadosa 'e sos mortos chi has'a in sinu  
tramunada in sos fruttos chi has'a lugher,  
pius forte t'as'a istringher cussos fizzos  
carre a carre cugiende sas feridas,  
chizzu a chizzu calmende cussos rios,  
brazzu a brazzu allentende cussas roccas,  
coro a coro, abbelzende cussos chelos.

E in s'olvidu 'e sa trista intirinada  
da ue nasches pius bella e amantiosa  
de isprazzos pius caldos e lughentes,  
narabilu, Nugòro, e a boghe ispalta  
dae sa punta 'e s'Ortobene sacru  
finz'a sa ucca 'e sos Anghelos marinos,  
chi chent'annos sunu troppos, sorre cara,  
pro frimmare un'istante in cussas baddes  
su sole 'e sa Sardigna, ue ses naschida.

#### DIGLIELO, O NUORO

Cento anni sono pochi, cara terra sorella, perché il sole della Barbagia, ove regni sovrana, possa fermarsi un solo istante sui fitti cespugli dei tuoi colli. Ma oggi tu ci ritorni più cara attraverso le parole di Colei, che, in sofferente solitudine, disfacendo le trame dell'orbace parlato e toccando con mano le carni martorate dalle piaghe prodotte da un Destino beffardo, ti ha tessuto i tormenti e le sofferenze delle ferite che a te sono state impresse fin dalla nascita.

Vite contorte, famiglie distrutte come deboli canne spezzate dal vento, erano allora le note dolenti del continuo avvicinarsi di un tempo, creatore di mali e distruttore di ogni bene, e costituiscono ancor oggi le stesse sofferenze già descritte in quell'arazzo, che, con lana filata dall'Arcano, ebbe a tesserti cento anni fa Grazia Deledda. E tu, o Nuoro, madre dei «balentes», errabondi pastori imploranti un po' di pace a quelle rocce e miracoli a quei cieli indifferenti:

madre sfortunata di colline e di ovili messi in subbuglio dai tridenti di una forza che viene dall'alto; terra di innumerevoli rigagnoli in piena impregnati di odio e di umori di vendetta; fonte di gloria perenne per il sangue versato e per le imprese compiute (Brigata Sassari) in diverse contrade; carosello di molteplici vittorie conseguite da illustri oratori e da scrittori e poeti valorosi; Tu, o Nuoro, sei oggi orgogliosa e più tenace di prima perché contrasti ai secoli il ricordo sempre vivo del respiro più grande della Barbagia, che è anche respiro e vanto di tutta la Sardegna.

Così orgogliosa di un così grande nome e risorgendo carica di trionfi accanto a sorgenti di acque più limpide, piena di premure per i morti che tieni nel tuo seno, rinnovata nei frutti che darai alla luce, più forte sentirai l'afflato verso quei figli dimenticati rimarginando le ferite con amore fraterno, frenando i bollori dell'odio e della vendetta con la comprensione, rendendo meno dura l'ingratitudine della terra con il lavoro di tutti; e ingraziandoti il cielo con fede rinnovata.

Così dimenticando il ricordo di un triste tramonto dal quale risorgi più bella e più desiderosa di una luce apportatrice di affetto e di maggior giustizia. Diglielo tu, o Nuoro, (ai politici) con voce grave e insistente che vada dalla cima del Redentore sull'Ortobene sino al golfo degli Angeli di Cagliari, che cento anni sono troppi, cara terra sorella, perché il sole della Sardegna, dove tu sei nata, possa fermarsi un solo istante sui fitti cespugli dei tuoi colli.